

乾隆三水縣志

三水縣志卷四

知縣葛德新主修

陽湖孫星衍撰

壇廟寺觀墓七

明汾州志風雲雷雨壇在縣西門外北向楊豫建社稷壇在縣東門外劉儀建邑厲壇在縣東門外南向劉儀建

縣志風雲雷雨山川壇在東湖河西岸邑厲壇舊在東郊壬子移知縣捐俸改置西門外

古壇

明汾州志三水縣先師廟兩廡戟門楊豫建楹星門泮池劉儀建啟聖祠在明倫堂後知縣張琦建敬一亭在明倫堂後劉儀建名宦祠在梓潼宮之後享祀三位魏恒州守韓襄宋三水縣尹李沐明知縣楊豫鄉賢祠與名宦祠并享祀五位漢第五倫

唐同平章事第五琦宋丞相第五均度支員外轉運副使范祥
文閣太常少卿范育祭器嘉靖十九年知縣李時春置白鐵
祭器二百件磁器一千件黃帳五付書籍四書大全一部二寸
本易經大全一部十一本書經大全一部十一本詩經大全一
部十一本春秋大全一部十八本禮記大全一部十八本性理
大全一部三十本孝順事實一本五倫書六十二本爲善陰陽
一本醫方選要十二本漢唐通鑑品彙六本朝服祭圖一本博
文通會四本聖駕章大學錄一本忠靜冠服圖一本聖製燕
弁冠跟圖說一本聖諭一本御製正孔子祀典中記一本御製
大符龍飛錄二本

蘇轍志先師廟在明倫堂前枕廣原而環泮水自萬歷癸未
歲歲公作九章新制知縣捐俸重修命諸生張傑等鳩工

池甲寅陽至落成先師大成殿七間東西廡各七間戟門三楹
櫺星門三座泮池一區太和門一座啟聖祠在先師殿左有敎
一亭祭庫名宦祠鄉賢祠重修文廟碑在正殿之前學宮告成
題咏碑在戟門左續修泮池碑在戟門右

文俸天重修文廟碑禹貢原隰之野是稱幽九原九隰而錯
以成文則一經九緯之幽不以上接虛良蒼華之敦乎其地
絡本於于午嶺自北以南者首乎乾以大成而崇峙連山之
良水遐歸藏之坤爲聖文之總萃其天文則應帝魁之一星
而戴匡文昌六宮昏建華山以西爲攝提之所貞茲其發天
地之房自夾皇邁溷宜膺開文運以綿聖功歟故公劉陟國
而爲盧舟玉以臨邱嶽依京而定制酌匏以立君宗俾賡濟
奇造曹而式化其都紛綸因之氣允後世觀文作人之藎也

於是幽學之講堂當之奈歲遠宮垣鞠爲茂草而望素王之
客者無起色我侯至自閩三昇之政首重象璜諏吉而鳩工
凡攻木飭材必于橐先倡之食謀厥衆自庠師泉紳士量力
以捐有差等辛亥之秋經始大成殿子來同恃乎藝鼓及冬
而載度其楹載華其楹冠雲榮繼不翅烏革聲飛之翼翼也
嗣王子新兩廡而丹雘之矢棘正啟聖之祀殖喧肅敬一之
亭有仇者置載其闢門翼兩洞以官以賢其中阿將將表以
樞星者應門也斲之藝之如密石焉而風之軒翹蛟之連塔
以雙標於左右輪奐之美廓蒙而昭發之甲寅又相中唐增
爽齋池以養半天子之雛而泮之清流環壁采芹廣思樂之
風公宮就陽樹槐開論義之市前五雉而坊經涂之孰者頌
以六輪元氣其大道大德之表以歸靈光邁風水之

三廟之遺義乎我侯定中撥日而告成以三年都人士思
功於不朽請俾天爲文圖言曰雍州原隰底績卽公劉所
之者其原可以行徹田之法其隰可以收流泉之利原陽而
隰陰陰陽各九交錯爲文應天地自然之易盛結於子午艮
山而坤水四時之所交風雨之所會幽實據曠區矣先王建
國制學叶三靈而敦五土惟制作定世符迭時聖依之聖者
人祖倫之祖父葉萬所遺命以玉燭成歲功聖其總一歲之
時也其四配可分當一時故復爲青陽宗爲朱明述爲白藏
亞爲元冥又閔以廉解冉以泉動至子石之可年者當斗二
南六陽之侯朝赤犛之不可年者當斗一南六陰之侯三千
其門庭而升堂通六藝者特七十二以當七十二侯乎揭聖
宗而翼天統以齊七政之玉衡不尚望崇儒論道我侯哉侯

日漢大常之議謂三代崇化以風四方莫先於學春秋羽
夏絃冬誦太平之原也及唐咸亨五月造學以敬儒宋湖州
千人立教於安定或起瑣宮或聚五徒采交州之勞繪城南
之圖國淳俗樸鏘鏘被於道而六路咸秩遐哉其可風矣約
之極之其有事於幽瑣拓茅築垣始於因敦成於攝提有伽
之宮曼碩以若萬民諷所作者則林侯諱逢泰闢之晉江人
庠師王諱採陝之延川人泉幽之子矜王名相之王名光烈
許名桂張名侯也爰穹伐以鏡而銘之曰九原九隰合乎易
連山爲峯歸藏爲液子午之龍結磯脊陰陽錯文應采芹以
半璧誰作瑣宮孔父以碩戎侯成功在攝格

明文在茲創修牲所泮池以蓋闢爲政有建道詎飾觀者哉
乃性與泮池有明經而廣其意藉乎此其之不可

者故詩咏思樂書紀惟懋厥有旨也三水肇自成宏泐建寧
備嗣是歲久頽壞人思開新寔令崇任堪輿家言遂移廟學
於縣治之東南隅爰更行石而爲之顧地僻狹隘漸就卑濕
檣星門外鑿池其南引流灌漑以結泮水已而菴葦叢生蒙
士時取汲其下春秋享祀結棚於前以省宰牲牢哀鳴蹢躅
殊非祇薦之地矣邑侯周清翁自蒞位以來適慨然曰夫令
者士之表而神之依也顧缺廢如斯奚以歆神而作士捐俸
就工堯以磚石中通以橋甫踰月而竣事復規度于泮池之
西構地一區廣袤胥數十武繚以垣墉宰牲於內庶齎鯨可
遠而昭薦致潔也神罔恫而士咸悅其在斯與然公之創置
不寧惟是移費門以備輪奐新三汲以因局鑰蒸燕思以便
裁次更迎寶以廣延訪葺殘楹以達聲教至於公署吏廨罔

不煥然諸凡營繕殫罄心力而民不知擾茲皆昭揭衆目而
績莫拚者若夫綜理周密政績筆新自有口碑載道固無俟
余之喋喋也公名克字仲發清泉其別號世爲古宋石城人
萬歷庚子孟冬之吉

縣人張僕續修泮池記三水之學宮自有明成化十六年重
建邑始而泮池之遺址僅存巔末無幾○世代更移鞠爲茂草
焉幸我邑侯林父師以八閩雄才家學淵源承荀壘夫子之
志於辛亥中秋慨議葺修凡尺木片石悉先請出諸清俸而
紳士之捐各有等經營三載費約數百金不取民一粒而輸
奐更新焉獨泮池未澹采藻無闕不幾九仞之簣與僕忝居
門牆思續其事而始終之謀及同社咸欲助力寅憂諏吉澹
厥舊址甫及泉而石碣出焉乃前庚子涇林文先生太青文

夫子創修泮壁之始末也越七十五年而又一新礎石爲庶
幾砌以磚中邇以橋庶乎思樂可咏而青瑛得以觀光功竣
之餘議樹一坊而慮者不貲侯引爲已任仍捐十餘金棟宇
檠栴各如其合式于今城闕不刺而翠屏對峙爲文教地伊
誰之功嗚呼我侯崇聖尊賢之意固後先濟美矣而吾邑人
文之肇興其在斯乎僕末學小子監役三載幸無隕於厥余
而前輩之志亦賴以彰也因勒諸石以誌弗忘云康熙乙卯
夏五之吉

林在泰長至日泮宮告成集諸生瞻拜詩并序余承之幽土
以學宮傾圮愀然久之竊嘆世之事佛者招提蘭若不惜金
錢奔走如鶩至學宮榛蕪漠然置之殊不可解或云佞佛冀
其獲福多靈應也余笑荅以聖人道大固不待論卽如人讀

其書便能識字知義理不讀其書便不識字不知義理此豈非至靈應者乎適王司訓至因令董其事與諸生謀共修葺先捐微貲爲之倡一瓦一木不以累及民也幽土瘠苦寒或屈於力或阻於時是以遲之三年迺竣厥功然此心歷三年如一日其始末載在文叔明先生記中告成之日值南至集諸生瞻拜禮成而紀以詩伏念先君子倡道筍堤特祀學宮雖闕岡異地而淵源相接故末語偶及之承諸紳士賡和酬韻若有會於且氣之旨益以見道南一脉嚶鳴不孤云詩云人文千載蔚輪奐一朝新闢沼蒙泉動占星井埜陳飛葭漱九谷立雪重吾閩南望筍堤石迺含泮藻春

右先師廟

明州志城隍廟在縣治東楊豫建嘉靖中張珩增修

縣志城隍廟在東門內正殿五間饗殿五間川堂三間寢殿
三間鐘鼓樓二座迎禧樓五間東西分司各七間萬神堂在左
亭一宮在右角門二間大門三間明宏治邑尹馬宗仁張珩同
縣人馬致遠相繼修建神像乙卯林知縣重塑其像乃明宣德
三年造

明呂頌顯祐伯城隍廟記夫祀爲國事之大者若城隍廟祀
護祐一方保障四境義兼神祇又祀事之大者也太祖高皇
帝洪武三年正月詔定天下城隍府州縣有公侯伯之異稱
而俱爲顯祐伯者蓋以鑒察斯民靈祇斯土也顯則威靈不
著祐則福澤普施三水縣五代時或屬隴或屬魏元至正七
年省入淳化縣屬以翔邠州明因之成化丁酉都御史余子
俊馬文升奏復三水縣隸西安邠州去治三年知縣馬宗仁

始創斯廟爰修祀典殿宇門垣遵詔旨以重民事者也宜曰
三水縣顯祐伯城隍廟以都祀事也夫祀以備物齊禮爲豐
禧也邑之鉅姓恩榮官馬致遠及子生員秉正知縣秉直自
備銀粟鳩衆紀善禱濟民生員趙元卿等建立獻殿五楹以
稱報賽之陳奠也時嘉靖十三年五月知縣廣漢張珩樂視
其成而獎勵焉馬致遠嘗遊疾夢城隍覺而愈欲崇神貺於
無已也於三十六年造二子詣羅中丞廷鑑審城隍大扁飾
以金碧供上之以彰神明之真境也知縣吳之翰嘉賞之於
四十四年令道士化鐵鑄烟樓一座以爲香火之需大磬二
口以爲啟叩之助儒學訓導郭聘有記以載其盛於隆慶二
年見廟門直衝往來員裝輻銀物共二十餘兩同馬化龍出
銀十兩建磚樹塞一座以顯靈崇望殊爲壯觀也於五年

司屬未備又同也東各輪銀木建東西司房一十四間具禮
職也於六年三月見各司神前香火辭陸又置石鼎一十四
供朝夕祀享也夫治神宇以完美延時歲而明普前後爰
約十百計使廟貌嚴肅卒克祠祀嘉祺之美曠不善耶若恩
榮官輩可謂至誠感神精誠不二者矣宜其享純嘏而蒙
祉云隆慶壬申春二月予將入汴過其邑親視其迹因述之
而爲記

右城隍廟

舊志關帝廟在城隍右

右關帝廟

鄭州志在相刺在縣西十五里魏落都祀漢唐宋第五倫三
而小像有焉洪武十八年建

有承和祠

臨州志學士祠在縣西三十里大慈禪祀宋學士范祥父子

有學士祠

縣志扶蘇廟在石門山中世傳秦太子扶蘇投國與三物處
死後神人爲立廟廟下有湫禱雨立應

有扶蘇廟

縣志洪仁寺在青曹原唐時勅建

有唐洪仁寺

明邠州志淨土天王寺在縣南三十里宋建

縣志淨土天王寺宋淳化三年勅建有御製碣記

有宋淨土天王寺

縣志大像寺在縣東北一里

縣舊志大像寺金大定元年建

右金大像寺

明邠州志福延寺在縣東北五十里大定三年建

縣舊志福延寺址周二十畝大定勅差侍郎阿典建內有古松

右金福延寺

明邠州志龍巖寺在縣東南四十里大定五年建

縣舊志龍巖寺金大定五年耶律監造遺址宏敞

右金龍巖寺

明邠州志莊嚴寺在縣東五十里元建

縣舊志莊嚴寺在前泥陽邨大元七年勅差中書省右丞周德

建

右元福延寺

河汾州志堡嶺寺在縣東三十里堡嶺山頂流入多避兵于此
縣舊志堡嶺寺元人勅建有高僧超公延安人卓錫於茲寺閉
關焚修八十年所一日沐浴合掌書偈貽弟曰八十年來如製
電臨行與汝通一綫形骸脫落如金蟬一性圓明空裏見四海
無居似片雲十方世界遊屢轉遊履轉見不見倒騎泥牛入廩
殿書畢涅槃今遺龕存焉

右元堡嶺寺

鄂州志無功寺在縣東七十里鑿石爲郝長五丈闊三丈有石
室

縣舊志悟空寺俗謠爲無功寺可以避兵

明文毓鳳再經悟空寺詩云當年三笑處此日又重登碑落
盡爲字空虛鶴是僧有泉堪振錫無偈問傳燈煜煜青蓮色

文公見未曾

右悟空寺

縣舊志寶塔寺在秦塔之陰時有高僧托足舊址頗廣相傳爲
唐時大刹經火無存天啟六年縣人文疏鳳同誦生王遂昌張
心昌等相地鳩工建殿五楹莊嚴佛像康熙丁未邑衆又建大
悲佛母堂三間地藏殿一座

右寶塔寺

明邠州志大塔在縣前七汲浮圖一邑勝觀

縣舊志秦塔在城東北隅高十五丈其陰建寶塔寺舊志載唐
吐蕃入寇塔經火焚積久損傷塔遂東斜萬歷間縣人文運開
葺之順治甲午六月十日地震仍端正如初辛亥舊屯鹿沈光
禱闕其勝槩捐資築垣邑人庶因重修焉

右大塔

明邠州志小塔在寶峯寺前

右小塔

嘉善志金泉寺在半川府東以金沙覆名中有古松

右金泉寺

明邠州志寶峯院在縣西溫涼河上唐建

縣舊志寶峯院唐太和三年建

右唐寶峯院

明邠州志棲雲觀在縣東北臧田鎮宋建

右宋棲雲觀

明邠州志三清觀在縣西三十里郭郝宋建外有常信地百畝

右宋三清觀

縣志惠濟院在雨平邨金大定三年勅建

右金惠濟院

明邠州志玉泉觀在縣東

縣舊志玉泉觀在玉泉右故名內有古柏

明劉紳遊玉泉觀詩云玉泉觀裏柏森森培養靈根異鄧林
甘露點珠多麗澤暖風吹雨把晴陰霜枝峻絕朝華老勁節
孤高晚翠深月見棟梁成大用掄材端擬重南金

右玉泉觀

縣舊志洪福院在縣南十五里

右洪福院

賈志秦扶蘇二女墓在縣東北六十里

縣舊志前女若去縣七十里麓有兩冢存焉舊傳秦扶蘇二女

葬于此

右秦扶蘇二女墓

明邠州志侯君集墓在縣東北雞阜山巔

右唐侯君集墓

縣舊志馬沼墓在縣東北十里其塋頭誌石因崩而出居人毀

之

右馬沼墓

縣舊志宋范祥范育墓俱在縣南原太慈邨二冢相望舊碑甚然

右宋范祥及子育墓

明邠州志第五倫墓在縣西南三十里蒲東舍碑存文落

縣舊志第五均墓在縣西三十里蒲東舍之間按第五氏漢姓

云先世出齊田橫之後田徙閩陵者多故以次第爲氏舊雲陽靖川人後徙三水子標因以爲家焉

通志按邠州志云第五倫墓非也倫墓在涇陽

右宋第五均墓

縣舊志五女冢與第五氏墓相比元祐閒碑文在其冢內

右五女冢

賈志文御史振賈在縣北半川

縣舊志在半川之東南二里左側有孝子少蒼廬墓遺跡存焉

右明文振墓

賈志文在中墓在半川交林

縣舊志文少白墳在縣北南宮之文林左環白石嶺右羅東澗

河

右明文在中墓

賈志文運熙墓在南宮

縣志在半川之東南二里

右明文運熙墓

賈志文在茲墓在縣北雞紅嶺下附父運熙側

右明文在茲墓

賈志文毓鳳墓在縣西二里

右明文毓鳳墓

縣志劉何墓在縣西蒲泉舍康熙十年奉

勅諭祭葬建坐立碑以旌忠節

右劉何墓

三水縣志卷四終

三水縣志卷五

知縣葛德新在任

陽湖縣志衍撰

官屬第八

三水縣僻無故實及古碑故自漢以來縣令丞無可考見唐始有令丞注簿名見薛相世系表亦無事迹舊志不載乃反載公劉壽禹等爲名爲非體也今皆別見縣令制歷代無異惟教諭以康熙二年載欲廢復故也

漢柏邑新銘

王命尸臣皆此柏邑賜爾旂常勳勳列戈尸臣拜手稽首曰敢對揚天子丕顯赫命

右美陽屢中刻書見漢郊祀志

唐令丞主簿

郭在巖三水

韓繼三水

右令見宰相系表

楊誠器三水

右丞見宰相系表

韋巽三水

右主簿見宰相系表

宋尹尉

李沐字公澤三水尹

宋無名氏李邑宰沐德政碑蓋圖繹禮以繫獄峻鞭朴以經
民法尚嚴明政必慘刻民未得而治也惟以德爲政黎元向
化張之如神明愛之若父母矣三水巨邑戶口繁息於

授能若不亡德則越訴於郡牧監司不可勝數李公騎尉以

德望素著來尹於茲興滯補敝衆務脩舉畫無積民破無大

吠百里鎮靜號爲大治邑民相與繪公像於國教院植其

曰愛慕求僕爲記固知其名難稽昭出自民口不欲更去一

日縣尉田阜謂僕曰公之爲政以德懷民豈止一端而且愛

慕之稱非特不可名亦未盡公之事也豈更改其堂曰德政

子復爲我詳言之欲形於琬琰以垂不朽之傳僕素不能文

何足以興於民乎公之德曾耳滿目擊姑撫其實以論之將

備作者採補焉自公下車移葺門以便出入則氣象壯觀不

患跋沓建營舍以備守禦則外攻不入暴賊遠遁城隍祠守

旣敝而再新橋梁市衢已壞而復葺建行祠脩官舍興作

造不爲私計規畫之初立不使計日以告畢是有德者之所

能爲此也奸黨一投於前灼見情僞此公之明德也哀矜外
囚掩葬遺骨惟刑之恤獄無淹滯此公之仁德也激貪勵俗
裨爲清白其廉德如此簿書山積必躬閱校其勤德如此非
德得於己爲德施於人爲政公之政事無非一德今以爲名
不亦宜乎是爲說

右宋尹

田臬

右宋尉

金和縣

宋九嘉寧飛州夏津人至寧元年進士第歷藍田高陵扶風
水四縣令咸以能稱

右金縣令見金史本傳

明知縣典史教諭訓導

楊豫字李定清苑人舉人值縣治新設苑歲兇荒賑濟有法仁厚化民風俗丕變祀名宦

馬宗仁字本元直隸新樂人恩貢生

明李錦馬邑宰宗仁德政碑宏治辛亥四月廿有一日三水縣儒學司訓朱璣命生員白瓊謁于雲山小居賓主禮成拉而言曰成化戊戌創析淳化之半置三水縣將一益新樂馬公來知縣事前之爲縣者率以邑新設又皆不久於任因循苟簡自坡池及百事悉草創公既至勇於有爲卽括賦役詢風俗察放廢審利病循所而謀興作凡事于已任者爲之若饑渴一以愛人爲主更以學校治化所闢規畫經紀飾新廟廡構建齋堂俾展祀式虔肄習有所以出桑衣食所出巡諭

督責開荒除蕪時耕時穡使上足公賦下贍私口謂保障必
恃乎城隍不及期而城隍告完謂暇機莫先乎儲積不斂民
而儲積已富中飭鄉校留心於禮教舉功壇壝致謹於神祇
鑿渠堰水入業灌溉之利設警弭盜境無剽掠之虞藩臬行
司縣治屏宇莫不藉於成憲既完且美芟刈強梁撫字良善
招徠流亡柔懷無告催科不擾刑罰適中凡是皆公鑿鑿見
諸行事者其他良法美意不可殫述至如廉勤精敏又公天
分之自然也既而又曰公名宗仁字本元世爲新樂仕族祖
諱謹天順間爲監察御史歷陞都察院左副都御史公自幼
秀爽不凡都憲公獨鍾愛之遣克邑庠弟子員以學行大脩
進襲都憲公庶卒業成均拜今官惟項師生忝在下風薰灼
德化且觀邑之事出草創者今皆規模完整條理畢具三年

之間政務之舉如此猶察之善庸有既乎敢乞藝文記諸貞
猷用托不朽庶激將來賢亦邑人之志也瑣等特率先焉迺
再拜于起而應曰古之治人者必先明乎明德故有虞之世
其用人也必三德而爲大夫六德而爲諸侯蓋以官之崇卑
視德之大小也洪惟我明建官惟賢必德克於已始授以官
漢惟其得於已者以施於人也士或有德不足而幸得祿秩
亦不旋踵而敗敗者馬公可謂以德受官者歟夫官之切於
民者莫令若也上一邑之民付之令好惡休戚固將日
而身證之使遂其願而不加之以所不願以仁之也仁之爲
其施有緩急焉使馬公之爲或施於已成之邑故習之民
皆以德行乎其間其急且繁亦未遑息人之議也然而施於
新析之邑新習之民乃政之當急而不可緩當張而不可弛

斷斷然有不容自己焉其於爲政之次第因義之所在也
且仁非德之所在乎惟是德而達之於政若火之始然日熾
月盛方殷焉未艾也然則馬公其賢矣哉宜爲士民之所表
著也以繼自今四方之士及將來蒞政於茲者或有感發而
興焉將必宣上德立爲善政俾人人蒙至治之澤享雍熙之
化矣仁覆天下有不在於今日乎唐虞之治又何不可企而
及哉瑣曰恭遂記其說使歸而刻之於石

喬聰山西鄉寧人監生

劉淵四川閬中人監生

劉增直隸人監生

田賦山西人監生

趙華山西沁水人監生
七年任官晉城垣劍蓬南門已長

稱治

張宗山西臨汾人監生正德十五年任

趙應奎直隸衡水人監生

劉儀字來鳳湖廣安陸人舉人嘉靖十年以教諭論陞任處

官清約威伏豪強庠署多所脩建

張珩四川漢州人舉人政治寬和建啟聖祠

李璞直隸饒陽人監生卒官

侯臣字世勳山西解州人治尚嚴明紳有氣節創脩石門巡檢

司署並預備倉廩二所

李時春遼東鐵嶺衛人監生嘉靖十九年任公平剛果置文廳

錫祭器二百件

錢若愚雲南宜良人舉人嘉靖二十二年以簡州學政陞任有

才幹作興士類創省耕樓並府署西關門堞三所後取京別用

傅廷佩遼東人監生嘉靖二十五年以衛經歷陞任政尚寬平施有條理

虞卿山東朝城人監生

楊永錫山東安東衛人舉人嘉靖二十九年任僑儒不羣邑之巨奸大猾重置之法豪強輔服後陞鞏昌府通判

吳之翰湖廣蘄州人舉人敏才灼識摘奸發伏加意學校監崇廟祀垣宇門堞多所葺脩後陞綿州知州

楊津雲南昆明人舉人以教諭陞任清苦自持矜恤民瘼至今猶稱清楊焉

劉澇河南杞縣人舉人取京別用

盧守直長安人監生任未幾

真陽知縣

崔士偉山東武定州人舉人隆慶二年任謙冲自牧下車初卽以利病訪諸紳士得其可者施行之富慨然以均地糧爲已任事將竣值丁艱去

李遷北直武強人監生隆慶四年任廉明有威符役至彼者咸奉公守法尤飭躬勵行人不敢干以私方請朱之李沐

雷振化河南沈邱人監生

孫萊儲四川人監生萬曆元年以教諭陞

鄧謙山西襄陵人舉人清言信約下車卽革吏弊

秦榮字子澤山東臨清州人舉貢萬曆八年任葦城垣四門及縣署頗有著績又修志誌

李先四川蓬州人舉人萬曆十年任

方本清字子任河南南陽中護衛人恩貢性慈有才識改建學宮補置廩豆脩司院葺城樓 洛水渠十餘所

梁檳山西平遙人恩貢原任直隸趙州判官萬歷十四年以陞陞任

賈一鸞順天霸州人庚辰進士原任山西猗氏縣萬歷十五年復除今任十六年陞刑部貴州司主事

張啟蒙山西猗氏縣人舉人萬歷十七年任歷二載以病致仕萬曆河南河南府人恩貢萬歷二十年任歷六載以錢糧考成去

許百朋河南登封人舉人萬歷二十六年任歷四載陞河州知州

下三才河南陽武人歲貢萬歷三十年任除憲役課士子歷任

四教以病歸

謝三詔河南假師人舉人萬歷三十四年任與水河弭盜賊百
姓樂業歷五載調整厓縣

侯加緜山西解州人恩貢萬歷四十年任秉性端嚴廣敷文教
歷任四載考滿回籍

陸敏學山西大同人癸卯解元萬歷四十四年任課農訓士文
風不變邑人有召父杜母之稱歷任三載以時弊解嚴歸

王進山西汾陽人恩貢萬歷四十七年任操守廉潔歷任三載
以錢糧方成回籍

許京晉河南德縣府人歲貢天啟二年任歷任五載以考成致
仕

宋河湖廣人歲貢崇禎元年任以病告歸

高毅南直隸安府人選貢崇禎三年任勸農禮士政尚嚴明
歷任四載陞寧州知州

以歲禮分數不足復還任

高知河南登封人由保舉崇禎十二年任時值兵燹救防禦
邑賴以全始建衙署倉庫於雙槐堂祀在縣碑

右明知縣

鄧俊成化十六年任值縣治新設佐理甚多

王全

闕金

雷宇

陳記

趙洪

趙紳

王斌

韓壽山西代州人

游自言四川威遠人明敏有爲

嚴章

時高山東冠縣人有才幹

劉華

王世臣

冷采四川仁壽人

郭朝延安保安人

田耕

畢淮北直獻縣人

李天祥湖廣漢陽人

邵良士河南沁州人

潘封江南建平人

王永業北直薊州人

朱家禮湖廣黃岡人

鳳世臣江南涇縣人

董三承山東濟陽人崇禎中任

陳士章江南六安人崇禎中任

郭東周山東昌邑人崇禎中任

吳正己山西臨汾人崇禎十三年任

右列與史

成化十六年任

程長杰四川舉人成化二十年任

楊時俊四川人宏治三年任

康平直隸人

王紳直隸獲鹿人

高昇河南臨潁人陞山海衛教授

蔣斌四川墊江人嘉靖十五年任

王紳直隸大邑人監生

王紳直隸西平人監生

陳宗應南陽衛監生嘉靖二十年任轉有治才陞王府教授

盛宗做河南孟津人監生

馬崑山西夏縣人監生克敦師道陞晉府教授

趙立山西代州人監生

岳鍾英湖廣江陵人舉人課士勤進陞興平知縣

俞時中湖廣斯州人舉人訓士克勤陞岐山知縣

馬回執四川南部人監生沉厚博雅陞松蕃衛教授

賈珍山西徐溝人監生萬歷三年任

高彥臣山西繁峙人監生陞應州學正

張大譽漢中洋縣人監生

言子脩漢中寧羌州人萬歷八年任

關相河南洛陽人歲貢萬歷十一年任致仕

郭復禮河南南召人歲貢萬歷十三年任

高賓英雲南鶴慶人舉人

馬升龍舉昌人歲貢

新廣成化十四年任

羊思顏四川資城人成化十六年任

朱城四川樂至人

彭順四川合江人宏治元年任

張諭海河南睢州人

張鳳四川廣安州人監生

郭岐山西高平人

袁吉河南舞陽人監生

周柔四川大竹人監生陞蜀府引禮

吳賢四川人

周訓山西絳州人嘉靖十五年任

夏儒四川墊江人教士端方陞零陵教諭

楊世豪山西五臺人陞山丹衛教諭

王翰四川德陽人訓士有方陞韓城教諭

楊本四川安岳人致仕

馬榮四川瀘州人能詩陞鳳翔教諭

王九經山西洪洞人監生

郭聘四川內江人課士亦勳陞新水教諭

楊守正河南陝州人致仕

王達四川青神人萬歷三年任陞名山教諭

高望四川閬中人監生致仕

馬思中河南浙川人監生萬歷八年任

孫世奇四川新都人歲貢

顏同邦北直魏縣人歲貢

范英韓甘州衛人歲貢

吳守敬平涼人歲貢

右明訓導

國朝知縣致諭訓導

王儒字舍三山東濰縣人歲貢順治二年任才堪濟變撫馭多方請復脩雙槐壑公署倉庫以爲城守犄角之勢歷任八載陞冀州知州邑人爲建生祠豎遺愛碑焉

方自贊字濟州人拔貢順治九年任歷任二載以被論去

李開先字仲展北直任卸人拔貢順治十二年任僅有法正賦外毫不苛擾歷任五載以丁內艱回籍

許允嘉字媽石山東濶川人進士順治十八年任撫字有方政事醇雅因丁外艱回籍

李宏名號潛菴崇德仁和人壬午舉人癸未會副康熙元年任
居心仁慈爲政寬和澹泊自守歷七載以錢糧考成左遷松

江府倅

林逢泰號榮菴福建晉江人丙子舉人癸未會副康熙八年任
才識精敏立政嚴明甫下車釐弊剔奸百廢聿舉倡之公堂
築城垣成樓脩文廟泮池拓武場同亭改邑屬壇於西移養
濟院於南葺西溪河便橋葺雙槐堡倉廩禁遠賣以全子女
疏鹽法以便商民重脩邑誌若干卷

李亮德正黃旗人貢生康熙五十一年任

董天良貴州平越府人康熙辛卯科舉人雍正五年丁憂去

張中行山西虞鄉人雍正甲辰舉人乾隆元年以下去

王道四川華陽人拔貢乾隆二年任

柳大任山東登州府招遠人乾隆丙辰舉人乾隆十年任

張培坤江蘇上海人監生候補縣丞乾隆十四年委署

丁復瀛河南永城人乾隆己未科進士乾隆十五年卒官

丁奇武奉天錦縣人雍正甲辰舉人乾隆十五年任

伍廷淵福建將樂人雍正丙午舉人乾隆十六年任

成懷祖直隸大名人拔貢就候補州判職十八年委署

陳所修四川彭澤人拔貢由教諭補滿保題乾隆十八年任

張陽樓安徽廣德州人乾隆乙丑進士十九年任被謫去

王道柱雲南建水州人雍正乙卯舉人乾隆二十三年委署

劉均現順天府通州人乾隆戊午舉人二十五年任被劾去

何景釗山東荷澤人乾隆壬申舉人二十八年任

朱林承浙江秀水人乾隆癸酉舉人三十一年任

方承保湖北嘉魚人乾隆壬申舉人三十二年任以才優詞

顏國琛湖南湘潭人乾隆丁卯舉人三十五年委署

翁紳生四川樂寧人監生候補縣丞三十六年委署

王爲吉江蘇嘉定人乾隆辛酉舉人三十七年委署

陳球浙江烏程人乾隆戊午舉人三十七年任

王天成山西長子人貢生候補縣丞三十八年委署

郭履桓山西興縣人乾隆壬午舉人三十九年任以才優詞

寧縣歷本州

阿明阿正黃旗人筆帖式乾隆四十三年委署

王番紀山東諸城人乾隆乙酉舉人四十四年委署敏於聽斷

長情悅服

河柱江楚武進人寄籍淮天州宛平縣乾隆癸酉舉人四
五年委署爲政誠實有守

茲敬願天府造州人監生試用府經四十五年代埋

朱廷模湖南湘潭人乾隆庚辰舉人四十六年委署

齊球福建侯官人乾隆壬午舉人四十七年九月委署捐修司

倫堂學署土橋

葛德新字心銘山河潯山人監生乾隆四十八年六月任廉明
仁惠革別陋規比戶晏如釐清社倉積弊人尤德之

右知縣

曹士聘江西吉水人順治二年任

江時亮浙江仁和人順治十三年任

宋嘉印浙江餘姚人康熙三年任卒於官

張易震北直大興人康熙五年任

李宏寬福建仙遊人康熙十三年任卒於官

張繼華江南徐州人康熙十四年任

周煥直隸獲鹿人吏員康熙五十年陞任引病歸

蔡郡浙江蕭山人吏員雍正十三年任

羅明家四川江津人吏員乾隆十六年任

喻守敬吉林烏拉正黃旗人乾隆二十二年任

饒民義貴州南甯府人舉生乾隆三十年增

喻晉江西南昌人監生吏員借補乾隆三十一年任勤於督捕

士民德

李檉湖北江陵人舉生乾隆四十八年委署

喬元震山西浮山人舉生乾隆四十九年十二月任

右典史

封璋延安府宜君人拔貢順治二年任

王良棟鞏昌府階州人恩貢順治七年任嚴正諱士陞鳳翔遊

學教授

石玳鳳翔人歲貢順治十年任

蔣士俊漢中府南鄭人歲貢順治十五年任

張繼學昌府通渭人歲貢順治十六年任

周士貴甘肅秦州人歲貢康熙五十五年任卒官

楊起燮甘肅蘭州人拔貢康熙五十七年任

朱枝莊甘肅崇信人拔貢康熙五十八年任

侯屏甘肅中衛人康熙辛卯科舉人雍正七年任

張遜志鳳翔府寶雞人拔貢雍正十三年任

雷衍喙同州府蒲城人雍正巳酉舉人乾隆六年任

金如玉甘肅環縣人雍正壬子舉人乾隆十四年任

史文燦甘肅涇州人歲貢乾隆二十五年委署

喬敦溥西安府富平人乾隆壬申舉人二十七年任

余珩甘肅岷州人拔貢乾隆三十四年任俸滿以堪膺民社題

陞將樂知縣

楊著善同州府韓城人乾隆庚辰舉人四十年委署

薛繩烈同州府韓城人歲貢乾隆四十一年任

劉璿西安府三原人歲貢乾隆四十二年任

汪酉乾甘肅伏羌人乾隆辛卯舉人四十八年任

右

陳琦山西大同人歲貢順治三年任陞甘泉教諭

之選延安府葭州人歲貢順治五年任陞鎮原教諭
朱善士漢中府南鄭人歲貢順治八年任陞長武教諭
張域漢中府褒城人歲貢順治十年任卒官

高詠延安府米脂人歲貢順治十四年任陞清水教諭

王建極鞏昌府秦州人歲貢順治十五年任奉文裁缺回籍補

麟澗訓導

張攀津鞏昌府漳縣人歲貢康熙四年任卒官

王嘉賓鳳翔府岐山人歲貢康熙五年任卒官

王探延安府延川人歲貢康熙十年任

牛交斗延安府葭州人歲貢康熙五十五年任

運治商州商南人歲貢雍正七年任

安化人歲貢雍正九年任

奇遇甘肅清水人歲貢乾隆九年任

高星樞甘肅寧州人歲貢乾隆十二年任

田大業鳳翔府扶風人歲貢乾隆十五年任

史文燦甘肅涇州人歲貢乾隆二十六年委署

周子蘭甘肅武威人歲貢乾隆二十八年任

萬化同州府蒲城人乾隆丙子舉人三十二年任

陳重德興安府紫陽人歲貢乾隆三十九年任

王學洙西安府藍屋人歲貢乾隆四十一年任

右訓導

三亦縣志卷六

知縣葛德新主修

陽湖孫星衍撰

地丁錢糧九

戶口

康熙八年編審共一千八百四十二戶共男婦大小口三萬
一千三百八十二口乾隆十六年奉文清查實種共烟戶九
千三百三十六戶共男婦大小三萬八千九百五十五口滋
生之盛五倍於前

地糧

原額共地九千五十二頃三十二畝一分四釐共額糧二萬
八千三百八十七石二升二合三勺順治七八兩年免過糧
二千八十四頃一畝九分九釐共免糧一萬六千一百二十

四石七斗四升三合五勺康熙八年並二十三年兩次免過
地一千六百四十一頃六十六畝五分六釐共免糧五千三
十九石四斗一升六合七勺

實在地二千三百三十六頃六十三畝五分九釐

實在糧七千二百三十二石八斗六升二合一勺乾隆二十
二十三四並三十三等年開墾地一十頃八畝七釐四釐該
糧一十四石八斗九升三合四勺

實在共地二千三百三十六頃七十二畝三分二釐

實在共糧七千二百四十七石七斗五升五合五勺

起運

實該起運銀八千二十七兩五錢七分六釐內除留支四季
夫馬工料修理銀七百兩四錢實解起運銀七千九百五十

七兩一錢七分六釐

存留

經費雜支等項共銀一千一百三十一兩七錢一分八釐

經費

本縣知縣一員

俸薪銀二十四兩
六錢五分三釐

心紅紙張

兼

修宅家伙

兼

修理倉監

兼

吏書十二名

兼

門子二名

歲額工食銀
一十二兩

皂隸一十四名

歲額工食銀
八十四兩

伴作一名隨習二名

歲額工食銀
一十二兩

馬快八名

歲額工食銀一百三十四兩四錢

民壯二十一名

歲額工食銀一百二十六兩

禁子八名

歲額工食銀四十八兩

轎傘扇夫七名

歲額工食銀四十二兩

庫子四名

歲額工食銀二十四兩

斗級四名

歲額工食銀二十四兩

庫書一名

歲

倉書一名

歲

典史一員

伴薪銀三十一兩五錢二分

書辦一名

歲

門子一名

歲額工食銀六兩

皂隸四名

歲額工食銀二十四兩

馬夫一名

歲額工食銀六兩

教諭二員

俸薪銀八十兩

喂馬草料

裁

齋夫三名

歲額工食銀三十六兩

磨夫二名

歲額工食銀一十三兩三錢三分三釐

書辦一名

裁

門斗二名

歲額工食銀十四兩四錢

廩生二十名

歲糧銀六十四兩

雜支

春秋祭祀

歲額銀三十兩六錢一分九釐

鄉飲

歲額銀一兩九分五釐

修理倉廩并鋪墊板席

裁

協濟邠州水夫 歲額工食銀四兩八錢

解邠州船木 裁

置買刑具 裁

舖兵一十五名 歲額工食銀九十兩

更夫三名 歲額工食銀七兩二錢

解布政司 站支站雜各官邊塘夫馬損夫半留紙料走遞共銀一百四十七兩七錢八分四釐

孤貧九名口糧 歲額銀三十兩四錢

孤貧冬衣布花 歲額銀一兩五錢三分一釐

走遞馬匹夫役工料 歲額銀七十兩四錢已入解司項下

歲貢盤纏二年一辦 裁

舉人盤纏三年一辦 裁

進士坊價三年一辦 裁

驛站

漢屬武關驛協帖銀六十四兩一分一釐一毫零裁入

臨洮府屬狄金二縣驛站銀二千一百六十七兩六錢八分

八釐五毫零裁入

鞏司清水所夫牛工料銀三兩三錢五分比釐五縣裁解

課程銀一十六兩三錢入

換帖銀一十六兩七錢解

學田原額地止下环等共二頃七十一畝零徵租麥一十石

四斗二升八合五勺此項作

給貨土

之番

畜稅

每歲無定額

地稅

每歲無定額

鹽法額引六百張殘引一十五張

詳無該商在於河東
鹽法衙門自行封納

茶法

本縣山僻之邑民不嗜茶路不通
因辦於比較功次願以捏報爲累

林達泰等詢利弊議

看得軍興以來兵苦于行間民困于輓運亦已極矣本縣與賊爲隣擾攘迄無寧日又溝崖疊險車路不通輓運尤其艱難竊意生財之源在於足民而後軍需可繼輓運之法在於轉輸而後民力不疲如緩征以紓民困改折以便徵輸此本縣今日民生所懸望者至於兵貴神速早奏蕩平自不致有匱乏之虞籌兵尤宜核兵籌餉尤宜核餉酌盈濟虛因時量用憲臺自有顧盗非卑職所能參末議也

荅詢鹽法利弊議

查得本縣山僻小邑崖峻溝險車載不通從來鹽商不至止

何木縣之民招定小販合湊資本運鹽銷引而土瘠民貧入
無貿易商旅跡稀因以資本難於措辦運鹽亦難於食銷此
乃地不利而民無可資生也每年額外六百張雖勉力完銷
實甚苦累今倘於額引之中酌減一二則鹽易銷而無壅滯
至於緝私販以疏官鹽嚴比較以稽勤惰法最善也但本縣
地既窮僻路又迂迴私販無大利市是以大夥絕少雖有一
二販升斗之徒若此季擊獲究罪下季必相戒不敢復來乃
兵快懼以無功比較不得不捏報以倖免責罰季季皆然又
不稱不舍私販以幫補贖贖此乃法愈嚴而弊愈濫也雖奉
有則報有無則報無之示又多踏狗庇之愆以此一縣民快
憚於巡鹽比較而逃竄者十之三四招募無復肯應今倘於
比較功次之中寬免一二則法可通行而無弊矣此皆本縣

地方情形既屬下詢不敢不據實上陳其應否可行稅在

上裁

又請免荒糧議

看得荒糧包賠之累疊經備詳在案復蒙駁查見憲臺以

關

國課深加慎重至意卑職何敢復爲置喙但思民爲邦本
內地出若地賦荒賦將安出民既逃亡

國課亦將何賴乎卑職身在地方目擊既真不得不呼籲
明之前者本縣土瘠民貧自古已然因明季節年增派所以
原額賦重其從前苦累或在通誌減糧議中已蒙

朝廷蠲除無容復贅矣茲惟順治十三年因糧制墾荒派在
見糧賠納百姓逃亡甚衆遂催熟地成荒幸康熙八年奉

滿免案內除民困稍甦但所竄免者乃五舉之虛數而熟
地成荒之實數尙未審也彼時前官以奉文查捏墾包賠故
止將原報捏墾數目造冊詳報而因包賠逃亡熟地成荒情
由亦及詳請免致有今日之累非既奉蠲免之後逾時未
久復有荒糧如許之多也今經五年多方招徠墾者仍未復
業細詢其故有逃竄日久死亡無踪者亦有思其編荒糧懸
歸而遭緹爲累者因而畏足不前致使見在之妖婦納困
苦勢必轉徙堪虞竊恐逃者未回而覓者尚復遺荒者未墾
而熟地成荒官民受累將何底止至於河崩地畝因連歲洪
雨暴漲前詳亦已報明況本縣山壑川狹一經崩潰微爲石
田非如河道平衍東崩西難可危若給以老荒之地則一畝
榛莽又豈免墾子遺所能施五丁之手哉歎見

朝廷錫和賜賑恩厚願即如隣近軍州一州荒糶萬餘石
蒙督撫兩憲具疏奉

特旨蠲豁此子惠元元之德音普天同戴懇禱惻念殘黎俯
賜轉詳 題節使見在者安心樂業逃者必聞風思歸招徠
勸墾不過數年內而原額可復所謂有人此有土有土此有
財者是也

又請援例暫寬考成議

切照本縣已疫民困疊遭荒歉錢糧催呼不前不得已據請
詳請援例展限仰祈垂鑒茲據檄查兒上臺天地為心誠下
邑更甦之日也本縣地本瘠薄民無貿易惟以農務為生去
春苦潦夏苦旱秋苦旱霜麥穀委屬不登百姓顛連無告
食穀救以充饑典子女以糊口者又軍需緊急

漢運興運省以及運邠運涇率貨數金而僱一役費倍蓰而

致一石且運漢運興中途遺變米豆付之烏有種種艱苦不

惟疲於奔命實已竭其脂膏況自去冬土寇竊發慶寧變亂

本縣密邇賊境出沒擾攘劫掠之慘迄今無有寧口屢經培

報在案亦屢蒙調發官兵征勦在案非敢有捏飾也既值此

慘禍民不聊生雞犬無存驚鴻莫定遠者尤處巢居呼之不

敢出逃者鳩形鵠面刑之不忍加猶幸民知大義不甘從賊

涇州糧豆陸續輸在新餉既苦竭力則舊餉益難併征是

以十三年未完錢糧催呼不前職此故也本縣以彈丸之邑

當慶陽全郡之賊防兵不滿五十捕員亦且乏人界職一圭

拮据勞瘁備嘗豈不知考成爲重功名可念第處此時勢實

無可如何耳況卑職一人之功名不足惜竊恐有礙各憲臺

考成究竟無益於

國課而且有害於民生卑職所以不避斧鉞據實詳請者也
伏祈俯鑒轉達察例 懇請寬限官民幸甚

又請停糶積派糧草議

查得十四年積派糧草先奉文撥運邠州旋改運涇州正在
督催間忽遭逆賊入城之慘民心惶惶不免觀望嗣而賊勢
颺張攻剋堡寨殘廢麥穀民益風鶴靡寧然卑職多方撫諭
百姓陸續輓輸今又改運平涼極力催督前後共完米豆一
千三百餘石惟草束一項委難輓運已據里民哀控備敘情
由申請蒙憲批布政司查議通報在案昨又同周司獄審供
申報在案卑職非不知軍需爲重祇緣本縣迫近賊巢出沒
不常迄今一載無有寧日方追呼稍有頭緒忽聞警遂卽逃

啟小民自顧身家不暇安望輸將恐後乎此催運之難一也
本縣名有八里而東北之椒郵職田北官三里與吳寧接壤
南之蒲郵一里與石門關毗連竹梯遭寇掠逃亡過半僅存
四里亦無全甲全戶舊有四鎮集市今底廟職田土橋三鎮
皆已荒廢民生日蹙賦稅無出寬之則追徵不前急之則愈
思逃竄此催運之難二也本縣設在嵩山之中四面溝崖崎
嶇自古無車輛可通肩挑背負所運幾何而平涼往返千餘
里動需半月則此一月之內能得幾運乎此催運之難三也
有此三難復有新舊本折車折夫驢省倉都縣各處解運之
繁勢難兼顧力難分應所以不能依限速完者屈之時勢無
可如何耳查各省用兵地方皆有停征緩征之例卽秦省被
賊州縣亦有徵思豁免者本縣與賊爲隣同一殘破而民知

大義始終不肯從賊獨不可格外加恩一視同仁乎伏祈憫念殘黎輓運之苦下吏督催之艱俯賜鑒宥殘邑幸甚

又請改徵草束及免車輛議

看得本縣邑殘民困至今極矣久在照席之中無待贅煩但賊寇之擾攘晝夜不寧軍需之競運南北奔馳何敢言瘁所最苦者惟運平涼草束一項蓋本縣僻處山陬溝崖崎嶇自古不通車路蓋無車輛若一驢所馱多至七八束而往反十餘日止足供一驢之食何以交納一夫所擔僅可四五束而一夫之盤費工價不啻數倍民何能堪所以米豆能運而草束不能運者此也至於派運涇州車輛尤爲苦累本縣既已無車令往邠長等處僱覓而邠長亦在川車之時僱覓難得若云折驢計用驢七百九十頭不惟驢畜屢遭寇掠而收驢

之工料費更不貲若云折夫計用夫一千五百八十名不惟
民多逃亡卽見在之民各有應納糧草運平涼運省倉運都
縣並無空閒之身可以應役况近慶陽復叛眞寧賊寇又肆
鴟張不當留此百姓爲守禦計乎值賊寇破殘之後民窮財
盡正賦催納不前又何堪此額外之供八里小民等所以曉
曉籲控也卑職非不知軍需爲重但目擊地方一限於地勢
之不行行一限於民力之不能堪不敢不據實上達伏祈憫
念殘邑與各屬不同請將草束一項仍舊徵銀起解與其虛
懸不可得之數以疲民孰若稍一變通而民困可甦正賦無
缺乎其運涇州車輛除已押解民夫赴涇運糧外請祈憲恩
特爲豁免倘萬不獲已則如平涼府所申僱車一輛價二兩
二錢此項委無額銀備覓等語本縣照依價數備銀解送平

涼府自行僱覓斯亦兩全之策也伏祈俯鑒裁奪施行

又再請改徵草束及免車輛議

竊照撥運平涼一項卑職極力督催寢食靡寧奈百姓經殘破之後疲困已極茲復隣寇告警風鶴尤甚卑職不避艱險躬詣各鄉勸諭督催揀各里民哀訴時值隆冬歲暮凍餒難行且運解米豆驢夫被賊搶掠尙有未回父哭其子妻哭其夫慘目傷心難施之以法矣其草束萬難輓運前後屢經詳請在案在上臺以軍需爲重未暇詳察地方情形未荷俞允然向蒙吳藩憲身臨其地昨又蒙委周司獄目觀其形卑職豈敢有一字虛飾乎地勢旣不得行民力旣不能堪卑職力難排山術乏點金將何計可施乎况運過米豆雖抵正賦無幾而民間已費數倍矣至於派車七十九輛因山溝崎嶇自

古不通車路業已折夫若干名驢若干頭押解涇州曉運交
平涼訖有被賊擄掠蒙平涼府憫念發回者尙有未回者小
民間風畏避中途遲延此又豈一二解役所能禁乎更有請
者拔糧均派回出了公但本縣荒糧甚多見今椒邨職田二
里逼近賊巢里甲皆已逃散餘里亦逃亡多半實難與各屬
同論卽如咸陽派車五十四輛永壽派車四十五輛而本縣
派車七十九輛今試取三水與咸陽並較人皆知其弗若也
而派車且過之況既不通車輛折夫折驢數目迨多民力有
限其何能堪此耶竊恐民生日蹙逃亡日甚將來軍需更不
可問矣在旱職勢處萬難保無所迫而百姓情實可矜伏望
俯加軫恤原情寬宥官民幸甚

又請改徵折色議

竊照本縣荒僻小邑百姓夙稱貧窮而此時尤甚錢糧舊有
逋欠而近歲始多緣地方迫近賊巢疊遭蹂躪十室九空而
各處輓運本色役繁費多不堪奔命是以民愈困而賦愈缺
爲今日計有可以恤民力并以濟軍需者不得不切實具陳
也本縣設立山中溝深徑險車輛不通其草束萬難輸運轉
形屢據民詞申請改折蒙憲批查議見候批示在案至派運
米豆雖見在勸輸飛輓但道途險遠無車可運背負不過二
斗驢馱不過四斗所運幾何且往返動需時日裹糧有費喂
養有費賠累不貲每役數人而致一石之糧費數金而完一
石之額殘黎何能堪此乎況新舊併征十三年運省倉鄉縣
長武十四年運省倉涇州平涼十五年又運平涼省倉合計
三年共派運米豆一萬八千三百五十餘石額數既多奔走

又繁就人而計之本縣行差丁四千一百八十一口將
差二十年之予而後可以足役就銀而計之本縣起運額
一萬一千七百餘兩將必併竭十數年之賦而後可以足額
百姓前此之輓運者無論矣卽如今歲兩月有餘共完米豆
六百餘石民之供役不下三千餘人民之費用不啻三千餘
金而算抵正賦僅六百餘兩由是以推民無休息之期賦無
完納之口勢必民生愈蹙

國課何賴上下交困終非計之得者況隣氛日熾百姓風鶴
靡寧此尤可矜可念者也卑職目擊時勢孔艱再四思維止
有將派運糧草俱改徵折色庶民困可以稍甦正賦不至終
缺與其虛懸難完之數以爲民困孰若議一變通之計以圖
有濟耶卑職從

國賦民生起見不揣據實切陳伏祈軫念殘破僻邑實與各屬不同特賜恩卹俯從所請百姓幸甚下吏幸甚

又請賜寬免議

查得本縣土瘠民貧夙稱上疲不幸復迫近賊境屢被擾攘人畜槩遭荼毒地荒丁逃不得耕種者十有七八兼各處稅運糧草役繁費多皮骨僅存民窮財盡未有若此時之甚者卑職屢將被賊蹂躪情形繕報在案并將殘黎各年錢糧難完情由詳請蠲值在案業蒙憲恩查明十四年未完錢糧題請蠲緩是民間困苦已在洞鑿中今率撫遠大將軍疏請寬免奉有部行此正憲臺加恩軫恤殘黎仰望更生之日也所有各年未完本折起存錢糧并被陷百姓地畝理合據實造冊齎報伏祈憫念邑殘民困慨賜全蠲庶子遺者思安故

逃竄者防風嬰菜於以維民命而培國脉非淺鮮矣

又請免房稅蠲

看得本縣風稱荒僻小邑民皆穴居野處家在城郭者寥寥
卑職履任之後脩葺城垣招來人民疏通行旅城中烟火稍
有可望然亦不過酒麵爲生非有經商舖肆可比不意隣寇
侵犯城郭民家槩遭折燬加以兵馬往來重爲踐踏百姓盡
行遠徙借居邨堡數載經營悉化榛蕪矣今所存一二破屋
見住防兵及過往兵馬宿歇之所已無人民居住若責以徵
稅不惟房主無人承應且恐招徠愈畏避不前耳又本縣設
立山隅從無水陸馬頭止有四鎮每週集市之期席地爲肆
日中貿易並無店舍況寧寇竊發以來底廟職田土橋三鎮
或近賊巢或毗山藪皆經焚劫久成邱墟而張洪一鎮名雖

僅存舊無街宇均難徵輸宜乎小民買宜等之合詞具控也
伏聞部行有隣近賊寇滅池鎮店如有不便徵收聽督撫詳
查具題等語本縣既據賊境又經殘破正與部例相符請廣
憐念民艱援例豁免百姓幸甚早職目擊凋殘苦况不得不
據實上達伏望垂鑒

又請免夫驢議

案查先奉文派雲棧驢八十頭又奉文派黑水峪驢三百四
十八頭今又奉派舊縣關驢二百七十七頭三次共派驢七
百五頭每頭折夫二名共折夫一千四百十名在軍興時急
公之誼亦何敢辭但本縣經賊寇破殘之餘疥癩未起逃亡
未復實難與他邑同論者蓋非獨驢夫之難而盤費脚價之
尤難也本縣越溝踰險百倍艱辛每夫一名議價二兩五錢

贖倍之計用夫一千四百十名該照例三千五百二十五兩以荒殘之邑歷年錢糧多方敲比尙不能完乃一旦令出數千金之費其能之乎雖云夫贖案糧均派但本縣地荒糧懸見在之民賠累極苦今所派不惟倍永壽長武淳化之半且倍咸陽三分之一以三水福咸陽其堪比擬乎卑職知軍需爲重極力催督將案糧贖八十頭折夫一百六十名已經押解運糧訖黑水營夫合算共准贖一百五十三頭亦已押解起行訖其未完及齊縣關之贖見在催解而合邑士民咸稱力萬難支哀號之聲不忍聽聞竊思本縣屢遭寇掠民逃地荒見在招徠未集若再加困苦勢必轉徙愈多民力既竭必致軍需愈誤况一夫青米二京斗折市斗止一斗四升約計費二十金而運一石之糧民財更爲可惜派數似可酌減

卑職忝居民牧目擊情形不敢不據實上達伏祈憲慈憫念
殘邑格外施恩俯賜寬宥存此千遺之民生功不在閭閻拓
土下也

又請豁免丁議

竊照三水蕞爾小邑僻處山谷之中屢經兵燹之餘土瘠以
荒民稀而貧前在秦屬徇免案內本縣所審丁糧較他縣獨
少且地方與慶陽接壤連年隣寇猖獗肆行荼毒民不聊生
相率逃亡者不可勝計而其存者又皆伶仃孤苦鳩形鵠面
有鄭俠之圖所不堪繪者矣茲奉檄編審軍賦凜遵功令矢
公矢慎確見本縣八里里無全甲甲無全戶民生疾苦慘目
傷心然死者不可復生逃者尙可復回乃多方據諭竟未復
業細詢其故皆因歷年積逋負累已深又見競運本色孤撥

夫驢疲困難支所以徘徊却步忍作他鄉之鬼耳前奉督憲批據小民李三陽等所告丁逃地荒事轉行到縣早敢確查死逃丁八百七十五丁冊報已蒙憲慈彙入請賜寬免案內詳請題冊在案今當審編之時應否卽准其開除此格外之恩出自憲裁非卑職所敢擅便也合請明示以便造冊詳報又請免地稅議

查本縣原係山僻小邑先定有地稅三十兩歷年賠累不堪蒙總督鄂有地稅不宜定額之請民慶更生今又累遭賊寇見在地稅分毫莫納何能完二百兩之額是徒以苦累民生而究不得增餉實用委難定額徵銀詳報在案今奉駁查再查看得本縣荒殘已極歷年正賦歲比莫完幸蒙憲恩於請賜寬免案內開豁若此虛懸地稅更苦徵輸無着況地有肥

礪物有不齊秦省非江南可比三水又非秦中州縣可比何能照例同日而語也卑職非不知軍需爲急但目擊民生困苦不敢輕議伏祈俯鑒轉達寬宥

又請寬鹽功比較議

看得本縣山陬僻邑壤接延慶往例捉獲功次原因花馬池路通小鹽私販自北而南今平慶俱經變亂已逾年餘大兵見駐平涼北道間隔商旅不行且本縣不幸與賊爲隣疊遭蹂躪地方荒殘已極食鹽之家逃亡過半集鎮盡成邱墟往來視爲畏途又安有私販之人可以捉獲圖功耶況衙役寥寥數人因軍需緊急各處催運糧草押解夫驢奔馳靡寧難以分身解比伏祈垂鑒暫寬功次比較候事平之日仍舊報功解比此出於時勢維艱不得不達以邀憲恩者也

又請改徵折色議

查得本縣十五年分兵餉銀一千四百一十餘兩零已經徵解通完訖惟本色糧草一項因本縣山溝深險車載不通驢馱背負所運無幾而往返動需時日奔走靡有休息費數倍而算抵正賦十不得一又奉派各處運糧夫驢七百餘頭約費數千金財竭力疲至今百極況自十五年七月以前疊被賊寇搶掠民逃未復今因稅運困苦逃者日衆而見在者奔馳於秦州鳳翔商州舊縣關各處之役卑職雖極力督催若於無民可比所以不能依限通完者職此故也卑職屢將艱草難運情由詳請改折既蒙司詳憲批如詳竟未蒙允行在民窮於運納在官亦窮於徵追惟有束手待斃而已見今考成在卽不獨上下有碍而

國課亦無所濟伏祈憲臺俯念殘邑實與各屬不同懇准改徵折色庶百姓便於完納正賦不至終缺矣

又請免續派夫贖粟米議

看得三水痲疲之邑又經寇殘之餘民逃地荒困苦大不堪言屢經詳請在案業蒙憲臺將節年逋欠錢糧具題蠲緩而本色難運准改折徵是三水之百姓叨沾洪恩已深且厚而百姓之苦情荷蒙慈鑒亦已詳且周也卑職正在撫慰殘黎宜以憲臺德意招徠逃亡勒輸稅賦不期軍興旁午派運浩繁其從前之輓輸勿論矣即迄今奉派商州驢一百十八頭續派驢一百頭三派驢一百一頭舊縣關驢一百五十二頭續派驢一百一十三頭三派驢一百五十二頭鳳翔驢五百九十頭續派驢五百五十頭秦州驢二百八十頭續派驢五

百九十七頭山陽驢四十頭共計二千七百九十三頭本縣
無車若一頭折二夫算當用五千五百餘夫矣以本縣額徵
糧一萬一千餘兩計之脚價之費浮於糧額以行差丁四千
一百八十一丁計之力役之人踰於丁額似此殘邑子遺之
民而能堪之乎卑職每一捧檄惶怖不知何以報稱竊思本
縣百姓困苦久在洞鑿必致軫恤無待贅陳又思軍需急緊
民瘼或無暇及因而不敢詳請一面勸諭催運晝夜靡遑今
幸完將及半實收亦陸續齊集夫無奈百姓之血力已竭驅
策不前而逃亡日衆況本縣前因本色難運詳請改折今仍
派運粟米七百七十餘石程途愈遠背負愈艱往反動需月
日終無兌運之期甚至百姓因此苦累多藉口遠運而徙倚
他鄉逃避不歸者不惟軍需艱運無人而額徵兵餉亦因之

輸納飲誤矣伏請憲轍以秦鞏荒殘曲加恩恤則本縣地方亦經寇殘而百姓不甘從賊獨不可作同仁之視乎卑職目擊情形深思後患有不忍不言之情亦有不得不言之勢不揣據詞煩請伏祈憲轍念殘邑與他邑不同將賴派各案夫隴粟米情屬獨免使得悉力料理初派未完各案勒比實收則軍需民生兩可無誤其以莫安邦本非淺鮮矣